

वा॒युमे॒व तदनु॒वत्स॒रमा॒प्नोति । तस्मा॑च्छु॒नासी॒री-  
ये॒ण यज॑मानः । अ॒नुव॒त्स॒रीणाः॑ स्व॒स्तिमा॑शास्त॒इत्या-  
शा॑सीत । सं॒वत्स॒रं वा॒ण॒षड्॒सुती॑त्याहुः । यश्चा॑तुर्मा-  
स्यै॒र्यज॑त॒इति॑ । ए॒ष ह॒ वै सं॒वत्स॒रमा॒प्नोति । य॒एवं वि॒-  
द्वाः॑श्चा॑तुर्मास्यै॒र्यज॑ते । वि॒श्वे दे॒वाः स॒मय॑जन्त । तेऽग्नि-  
मे॒वाय॑जन्त । त॒एतं लो॒कम॑जयन् ॥ ३ ॥

यस्मि॑न्न॒ग्निः । यद्वै॑श्वदे॒वेन॒ यज॑ते । ए॒तं मे॒ लो॒कं ज-  
य॑ति । यस्मि॑न्न॒ग्निः । अ॒ग्नेरे॒व सा॑युज्यमु॒पैति॑ । य॒दा  
वैश्व॑दे॒वेन॒ यज॑ते । अथ॑ सं॒वत्स॒रस्य॑ गृ॒हप॑तिमा॒प्नोति ।  
य॒दा सं॒वत्स॒रस्य॑ गृ॒हप॑तिमा॒प्नोति । अथ॑ स॒हस्र॑याजि-  
नमा॒प्नोति । य॒दा स॒हस्र॑याजिनमा॒प्नोति ॥ ४ ॥

अथ॑ गृ॒हमे॒धिन॑मा॒प्नोति । य॒दा गृ॒हमे॒धिन॑मा॒प्नोति ।  
अथ॑ग्नि॒र्भव॑ति । य॒दाग्नि॒र्भव॑ति । अथ॑ गौर्भव॑ति । ए॒षा  
वै वैश्व॑दे॒वस्य॑ मा॒त्रा । ए॒तद्वा॒ एते॑षा॒मव॑मं । अ॒तो॒तो॒वा  
उ॒त्तरा॑णि श्रेयाः॑सि भवन्ति । यद्वि॒श्वे दे॒वाः स॒मय॑-  
जन्त । तद्वै॑श्वदे॒वस्य॑ वैश्वदे॒वत्वं ॥ ५ ॥

अथा॑दि॒त्योव॑रु॒णः॑ रा॒जानं॑ वरु॒णप्र॑धासैर॒यज॑त ।  
स॒एतं लो॒कम॑जयत् । यस्मि॑न्नादि॒त्यः । यद्वरु॑णप्र॒धासै॒-  
र्यज॑ते । ए॒तमे॒व लो॒कं ज॑यति । यस्मि॑न्नादि॒त्यः । आदि॑-